

醫學指南

大錯題檢

醫學指南卷四

雙流清臣劉仕廉纂輯

同邑馥垣李培郁校正

胞弟萬里劉仕鵬校閱  
門人望之張文儼校錄  
門人子乾李仲元校刊  
季男幼臣劉永鐘校字

病論

清臣曰。予生多疾。始入醫門。凡與人診脈。看病。心已命病。未幾三五日。月何證。應用何藥。如何治法。醫有證據。病家了然。以便更改藥方。即另延醫士。亦知前法。更有把握。是業醫之道。務要虛心領會。以活人為念。切莫固執不通。自以為是。誤人一命。終還一命。慎之。

恭論

吳又香老夫子貴恙。六脈浮大中空。面赤唇紅。虛陽外現。所吐之血。滿地成團。實因誤服寒涼所致。治法應宜溫中固腎。以鎮陰血。但刻下血離經絡。驟熱

不宜驟止不可。必須引血歸經。毫不妄行。後用理脾健胃。其患自愈。未知是  
否。敬呈。

蘇翁明府大人 斧政。

### 引血歸經方

酒白芍

錢六炙甘草錢二鬱金錢三花蕊石錢二降真香錢二側柏為引

此方係甲已化土之法。用白芍為甲木。以斂肝血。甘草為已土。以培脾胃。川  
鬱金能開十二經絡。花蕊石行血中之氣。降真香行氣中之血。引用側柏和  
血生血。不止血而血自止。是行血即所以止血。服到血歸經絡。再服理脾健  
胃之品。此千古不易之法也。

### 理脾健胃方

蜜黃耆

錢八焦於朮錢三炮姜灰錢一西砂仁錢二法半夏錢二破故紙錢三製附片錢三益智

仁

錢二花蕊石錢二降真香錢二側柏葉引

此方用耆朮以大固中州。用姜灰砂半。醒脾崇土。故紙收攝腎氣。附片溫暖

下元智仁。納氣歸腎。仍用花蕊降香。兼行滯氣。服到咽乾唇燥。去花蕊重加熟地白芍。或天冬五味。再服大補元煎。或左右歸丸。大劑為丸。告厥成功。益壽延年。

雙流劉清臣敬擬

### 予論

子和彭狀元貴疾。六脈洪大鼓指。口臭氣粗。裏熟太重。以致赤白下痢。日夜數十度。非大劑與之。難以捷效。法宜寬腸去滯。行臭逐瘀。慎服溫熱收瀉之品。謹擬一方列後。

### 行滯逐瘀方

當歸<sub>二兩</sub>白芍<sub>六錢</sub>

<sub>一兩</sub>檳榔<sub>三錢</sub>

厚樸<sub>三錢</sub>

萊菔<sub>二錢</sub>

廣香<sub>二錢</sub>

引用苦薤子五個

此方重用當歸為君。使大腸有傳導之機。護守脂膏。重用白芍為臣。斂肝養血。使木不尅土。不成禁口。用檳榔厚樸為佐。推蕩胸膈。用萊菔廣香寬腸去滯。薤子行臭逐瘀。如肛門似烙。加黃連裏急後重。加大黃。一劑輕。再劑愈矣。

### 恭論

渭春中丞大人貴恙。肝脾二經。脈勢滯澇。外見目黃溺赤。汗出染衣。此陽疸證也。治法應宜燥濕利水。兼退胆熱。三劑可愈。敬呈

大人閣下斧政。

### 燥濕退疸方

茅蒼朮

錢三焦白朮

錢三粉猪苓

錢二白茯苓

錢二川澤瀉

錢二西茵陳

錢二引用三角風一

把酒炒入藥同煎

此方用蒼朮白朮以燥濕。用茯苓猪苓澤瀉以利水。茯苓去氣分之水。猪苓去血分之水。澤瀉去腎中凡水。茵陳退胆經餘熱。三角風用酒炒為引。能驅五種黃疸。三劑可愈。俟黃色盡退。始服補脾固腎之品。再以精氣神平補之。方善後。則長生不老矣。

### 予論

張少君貴恙。係陰寒凝滯。腮肋俱腫。唇白面青。經紋沉細。險危之候。似為清涼所誤。迄今月餘。實屬陰氣凝結。治法非麻黃不能開其腠裏。非姜桂不能化

其凝結。餘用理脾健胃之品。輔正脫邪。謹擬二方於左。

消腫破結方

焦白朮<sup>錢三</sup> 西砂仁<sup>錢二</sup> 上安桂<sup>錢一</sup> 炮乾姜<sup>錢一</sup> 麻黃絨<sup>錢一</sup> 霍香引

外敷腮腫方

硫黃二兩。苡麵一兩。麥麵一兩。用熱水調敷腫處。後三日信到云。腫消病愈。再求培補方。可知用藥對症。奏效甚捷。

愚本庸醫。妄論 貴疾。

封翁吳老大人。係先天命門火衰。不能薰蒸後天脾土。以致飲食減少。痿軟無力。舌黑如墨。真陽盡為陰氣蒙蔽。治法應宜大固中州。宣暢胸膈。峻補腎陽。溫暖下元。納氣歸腎。驅陰救陽。則長生不老。壽溢期頤矣。敬擬一方。恭呈廉翁方伯大人哂政。是幸。

延壽方

蜜北耆<sup>錢八</sup> 於潛朮<sup>錢四</sup> 高麗參<sup>錢四</sup> 白蔻仁<sup>錢一</sup> 法半夏<sup>錢二</sup> 鮮枸杞<sup>錢三</sup> 杭巴戟<sup>錢三</sup> 製附

片錢三嫩鹿茸錢三益智仁錢二煨姜 紅棗引

此方用參、耆、朮以固中州。白朮、菴、半夏宣暢胸膈。枸杞、巴戟、峻補腎陽。附片、益智、鹿茸溫暖下元。納氣歸腎。服到口乾舌紅始加熟地一兩。當歸八錢。官燕六錢。蒙桂三錢。改湯為丸。隨意多服。則精神強固。

清臣第謂

公庭周老夫子。貴體未安。因是非場中。諸醫不至。弟屬親誼。勢所難辭。細察病情。實由受傷感冒。舌白面青。大燒不止。審其六脈。浮沈俱緊。明係外受風寒。內聚瘀血。治法宜驅風散寒。追逐瘀血。未知當否。單呈

各台 斧政 是荷

散寒逐瘀方

羌活頭錢二西防風錢二竹柴胡錢三桂枝尖錢二當歸尾錢二赤芍藥錢二桃仁泥錢二鮮紅

花錢二生薑甜酒引

此方前四味驅風散寒。後四味追逐瘀血。如不出汗。下血無多。再加麻黃一

錢大黃二錢。

恭論

貫槎吳大老爺。貴體縱云微和。尚屬無碍。年近古稀。脈出虎口。壽考之徵。況先後兩天俱足。陽臟陽脈。君曰怔忡。余曰非也。惕惕然有所動者為怔。築築然有所動者為忡。有物所觸者為驚。無物所觸者為悸。然怔忡驚悸。名雖不同。治法無異。不必服蠶煎。正心丹。茯苓補心湯等方施治。予從脈息有餘調理。怔忡驚悸自除。日夜均安。百病俱失。再能怡養性天。則福壽延長矣。

脈息有餘方

生熟地

錢各八

明天冬

錢四

寸麥冬

錢四

全當歸

錢三

赤芍藥

錢二

杭菊花

錢二

白雲苓

錢二

熟大黃

錢一

元明粉

錢一

竹心車前引

此方全用滋水養肝。消風解熱。平金潤燥。推蕩鬱熱。以大便行一二次後。早服天王補心丹。夜服歸脾湯。其患立愈。隨作

怡養曲

授彭山縣吳貫槎清廉吏也。籍隸湘南。秋闈見躋。由諸生從戎。克復數城。選  
舉武陽。雖年踰花甲。運甓尤勤。公退之暇。抱恙怔忡。延予就治。予略諳岐黃。  
稍知玄妙。診得六脈健旺。兩天俱足。服藥百劑。不如靜鎮一時。古詩云。靜者  
心多妙。又萬物靜觀皆自得。按之實養心術也。因不揣固陋。作怡養一曲。為獻。  
少年人到暮年老。暮年更比少年好。常學含飴且弄孫。閒看奇花閒聽鳥。君性  
喜清廉。我性喜參考。同性復同心。為君脫詩稿。養性情。除煩惱。快樂多。勞苦少。  
字何必張顛。詩何必賈島。酒何必劉伶。藥何必思邈。勿求曼倩桃。勿覓安期棗。  
是非隨處忘。得失隨時了。形神莫過勞。飲食莫過飽。臥不待更寒。起必待天曉。  
桑者閒。勞人草。涵養深。精神保。輔養力。主切莫遲。調和水火還須早。怡養性天  
到百年。此心莫使懂懂擾。

醫案

清臣曰。余生所治。奇情怪疾。難以數記。總在靈機應變。活法救人。認定陰陽。  
守定經絡。分明虛實。辨清表裏。細查情形。講究脈息。再四思維。論病立方。斯

無遺誤。迄今年邁。奏效雖多。不復記憶。謹書數案。以開來學。

曾治雪橋牛大人脚疾。臥床月餘。痛處難堪。不能步履。延予調治。撲榻見禮。診其六脈。搭手洪大無倫。重按至骨。乃見察其面舌青黯色白。問其痛處。不在筋骨。盡在肉中空處。毫無定所。予知其為陽痿症也。究其前方。皆三氣飲。獨活寄生之類。余以十全大補。去芎芩。加附片。巴戟。枸杞。鹿茸。益智。大劑與之一劑而安。再劑則行動如常。復以此方為丸。多服。精神強固。今七十有六。尚能主講錦江書院。

曾治楊慶伯老太夫人。患夾食傷寒。延予診治。六脈沈潛。舌胎滿口。面青唇白。印堂下青筋高鼓。飲食無味。險危已極。實由補劑太早所致也。余曰。論壽高困倦。應宜峻補。但此時此際。欲扶正氣。則邪氣難除。欲驅邪氣。而正氣將脫。醫家束手。於無可如何之中。設一權變之法。遵金鑑補瀉兼施。輔正黜邪。未知是否。敬呈。

臬司大人斧政。大人曰。聽君為之。余以枳朮丸加厚樸。大黃。牙皂服之。舌胎盡

退。日食雙弓米兩次。下榻賞給奴婢。已安泰十日矣。適駱制軍送大參一支。自用鑊熬。病者喜服。從三更服至天明。氣喘汗出。大汗亡陰。不可救藥。可知大黃救人無功。人參殺人無過。

同治六年。三日見兩病之誤。一中河場。李廷鼎患陰症傷寒。人以瘟疫治之。待余往視。嗜卧不語。舌黑脈微。諸醫畢集。問余曰。係屬何症。以陰症寒答之。當用何藥。以附子乾姜應之。又問先生驗舌與周身否。余應之曰。備細看明六脈。尋筋不見。四肢逆冷。舌黑是真陽埋沒。周身是陰毒外現。再服寒涼。不可救藥。隨擬一方。羣醫吐舌。以附片八錢為君。乾姜肉桂各三錢為臣。西砂半夏各二錢為佐。故紙胡巴各三錢為輔。麻黃細辛各六分為使。姜棗引服。一次舌黑全退。二次陰毒盡消。一劑服完。諸症皆愈。二劑去麻黃細辛。加潞黨一兩。此陰症誤認為陽症也。

一彭場余星樓之兄。余煥章患瘟疫。人以陽虛酒病治之。待予往觀。羣醫滿座。桂附參耆。一一用遍。予入病室。見氣噴如火。口臭氣粗。面紅舌燥。痞滿堅實。

俱備未診脈已知其為熱症也。及診得脈息七至。急下症也。主方白虎承氣湯。加桃仁牙皂。立單後。聊書數語。此瘟疫症也。下之宜急。若再遲延。則不可救。衆醫一言不答。病家狐疑不定。適有伊家館師焦聘三。出視單。自直告曰。前藥愈治愈危。全無一效。今清臣單自註明。不服此藥。一無所救。定服此方。大下而愈。此熱症誤認為虛症也。不活於醫。而活於焦氏者矣。

開縣李宗義之姪李章甫。陳蘇墀門生也。丁卯科應鄉試。二場後。少陰腹痛。吐瀉並行。不能入場。險危之極。延予調治。予以理脾滌飲。合吳萸附子細辛湯。加肉蔻炮姜而愈。彼此視為莫逆。在蓉垣官廨。同陳步香。韓立堂。吟咏唱和。暢懷遊覽。云及家規力勤守約。伊叔雖現任江南總督。持家有法。淡飯布衣。謹守八本堂遺訓。聊摘二語。以見胸襟。做官以不要錢為本。行軍以不擾民為本。同居三月。不忍分袂。薛濤井。載酒聯詩餞別。

封翁吳嘯雲。錢塘名士。年逾古稀。每有疾患。延予調治。壽高衰老。不過滋養培補而已。予喜嘯雲有孝子賢孫。每次就榻。伊子廉生侍立其旁。並無坐位。研

墨開方。扶持出入。不假跟役。暑日封翁喚取實地紗袍套。送先生。應命即取。冬日喚取火狐袍套。送先生。並給狼皮京靴。各種字帖。一切奇書。自刻善本。各贈一套。廉生遵命即取。親身饋送。真孝子仁人。予特表而出之。以為世之為子者勸。

吾友甯虛亭。患脫肛。天將命。遣介來鋪。敲門甚急。予驚問何事。來人曰。虛亭脫肛。請醫速去。予乘輿往視。診脈後。開補中益氣湯。一劑。單後戲題七律一首。敲門何事太忙忙。報到虛亭患脫肛。似我纔稱三折背。如君敢號九迴腸。臀無表裏難容物。腹有詩書亦漏糖。身價從今增十倍。誰人不道是同羊。彼此鼓掌大笑。不藥而愈。可知喜則氣上。怒則氣下。明矣。

陳薌墀。楚北東湖舉人也。出治雙流。凡有疾患。延予調治。公退之暇。喜談文字。長於八股。精於詩律。并出封翁省齋老大人看雲山房詩集。及持家裕後楹聯。朗誦之下。令人敬佩敬服。薌翁之出身。加民克遵遺訓。節用愛人。禮賢下士。親骨肉。體民隱。皆自讀父書時已定也。所以累債不知。細事健忘。公

正廉明。淡泊自守。今之蘭桂齊名。子姪顯宦。實由栽培寒士。考取真材之所致也。所取縣案數人。一一中試。雙邑士民建有長生祿位祠。以誌不忘。予因相處最久。頗知顛末。柳書大概。以為售案首。背遺訓者戒。

制軍駱宮保。精不化氣。六脉散漫。氣喘欲絕。實由忠君報國。殫心戎務。勞心太過之所由致也。治法應宜峻補正氣。收攝腎陽。但平日不服補劑。溫熱之品。止服歸芍二冬。抗菊之類。實於此症不宜。診脈七次。未服予藥。星歸上界。陳穉香在雙流署中。患小便閉塞。已經兩日。醫過三人。愈治愈危。點不能滴。其脹異常。延予診視。脈沉面青。四肢逆冷。即用開提化逆之法。桔梗白蔻砂仁。法夏肉桂。生姜。薤翁曰。還用得姜桂白蔻大熱之藥否。隨手解云。小便止有二證。一曰蓄熱。一曰癃閉。蓄熱宜四苓散。六一散。癃閉宜開提化逆。膀胱有下口而無上口。氣化則行。用桔梗開提上氣。生姜散逆。白蔻砂仁。使中樞得運。下焦自通。肉桂化氣。一轉運而小便自出矣。遂出前方視之。皆六一四苓八正散之類。薤翁曰。據公所論。前法誤也。煎服一次。正飲酒時。家人報曰。少

爺小便行矣。四座皆驚。均云先生之方神妙莫測。靈應至此。各抄存之。不知  
勦寫成文。恰合題位。

任脉經穴分寸歌

任脉會陰兩陰間。曲骨毛際陷中安。中極臍下四寸取。關元臍下三寸連。石門  
臍下二寸是。氣海乃在寸半間。臍下一寸陰交穴。臍之中央神闕傳。臍上  
行各一寸。水分下脘建里參。中脘上脘與巨闕。七穴行至鳩尾邊。中庭臍下  
寸六許。臍中位在兩乳間。玉堂紫華璇璣穴。上行俱作寸六看。天突喉下約  
三寸。廉泉領下骨之尖。承漿頤前唇稜下。任脉中行腹穴全。

會陰

在大便前小便之後兩陰之間

曲骨

在橫骨上中極下一寸

中極

臍下四寸

關元

臍下三寸

石門

臍下

二氣海

臍下寸半

陰交

臍下一寸

神闕

當臍中央

水分

臍上一寸

下脘

臍上二寸

建里

上脘

臍上五寸

巨闕

臍上六寸

鳩尾

禁灸

中庭

臍下六寸

臍中

兩乳間

玉堂

臍上三寸

中脘

紫宮

玉堂上寸六分

華蓋

紫宮上寸六分

璇璣

華蓋上寸六分

天突

喉下三寸

廉泉

頤前上中夾

承漿

頤前下唇

稜中

# 任脉圖



督脈分寸經穴歌

尾間骨端是長強。二十一椎腰腧藏。十六陽關十四命。三一懸樞脊中詳。十椎中樞九筋縮。七椎之下乃至陽。六靈五神三身柱。一椎之下陶道當。一椎之上大椎穴。入髮五分啞門行。風府一寸宛中取。腦戶二五枕之方。再上四寸強間位。五寸五分後頂彰。百會正在頂中取。耳尖前後髮中央。前頂顙後一寸半。星後一寸顙會量。髮際一寸上星地。五分神庭切勿忘。鼻端準頭素膠值。水溝鼻下人中藏。兌端唇上端中取。齮交唇內齒逢鄉。長強<sup>在脊之端</sup>腰腧<sup>二寸</sup>一椎<sup>節</sup>陽關<sup>掛</sup>伏會<sup>門</sup>下<sup>懸樞</sup>三脊中<sup>掛</sup>下中樞<sup>十椎</sup>筋縮<sup>九椎</sup>至陽<sup>七椎</sup>靈台<sup>六椎</sup>神道<sup>五椎</sup>身柱<sup>三椎</sup>陶道<sup>二椎</sup>大椎<sup>一椎</sup>上<sup>陷中</sup>啞門<sup>禁灸</sup>頂<sup>后</sup>入髮<sup>際五分</sup>風府<sup>禁灸</sup>入髮<sup>際一寸</sup>腦戶<sup>禁灸</sup>枕骨<sup>上</sup>強間<sup>一寸</sup>半<sup>一</sup>日在髮際<sup>強間</sup>後頂<sup>后</sup>百會<sup>前頂</sup>后一寸半<sup>頂中央</sup>可前頂<sup>顙</sup>上二寸<sup>上</sup>顙會<sup>上</sup>星<sup>后</sup>上星<sup>鼻直上</sup>入髮<sup>際一寸</sup>神庭<sup>直鼻上</sup>入髮<sup>際五分</sup>素膠<sup>禁灸</sup>準頭<sup>水溝</sup>人中<sup>中</sup>兌端<sup>上唇</sup>齮交<sup>唇內</sup>齒縫<sup>中</sup>